

### KENYATAAN AKHBAR KEMENTERIAN KESIHATAN MALAYSIA

## SITUASI SEMASA JANGKITAN PENYAKIT CORONAVIRUS 2019 (COVID-19) DI MALAYSIA 23 APRIL 2020

## STATUS TERKINI KES DISAHKAN COVID-19 YANG TELAH PULIH

Kementerian Kesihatan Malaysia (KKM) ingin memaklumkan bahawa terdapat **90 kes** yang telah pulih dan dibenarkan discaj pada hari ini. Ini menjadikan jumlah kumulatif kes yang telah pulih sepenuhnya dari COVID-19 dan telah discaj daripada wad adalah sebanyak **3,542** kes (63.2 peratus daripada jumlah keseluruhan kes). Seperti tren yang dilihat kebelakangan ini, bilangan kes yang didiscaj hari ini adalah melebihi bilangan kes yang dilaporkan.

### STATUS TERKINI KES COVID-19 DI MALAYSIA.

Sehingga 23 April 2020 pukul 12:00 tengah hari, terdapat **71 kes** baharu yang telah dilaporkan. Ini menjadikan jumlah kes positif COVID-19 di Malaysia adalah sebanyak **5,603 kes**. Oleh itu, **jumlah kes aktif dengan kebolehjangkitan COVID-19 adalah 1,966 kes**. Mereka telah diasingkan dan diberi rawatan.

Sehingga kini, seramai 42 kes positif COVID-19 sedang dirawat di Unit Rawatan Rapi (ICU). Daripada jumlah tersebut, 21 kes memerlukan bantuan pernafasan.

Daripada maklumat terkini yang dilaporkan ke Crisis Preparedness and Response Centre (CPRC) Kebangsaan, dukacita dimaklumkan bahawa terdapat pertambahan **dua (2)** lagi kes kematian berkaitan COVID-19. Justeru, jumlah kumulatif kes kematian COVID-19 di Malaysia adalah sebanyak **95** kes (1.70 peratus daripada jumlah keseluruhan kes):

- Kes kematian ke-94 (kes ke-3871) merupakan perempuan warganegara Malaysia berumur 32 tahun dan mempunyai latar belakang penyakit darah tinggi. Beliau merupakan anggota perubatan KKM dan mempunyai sejarah kontak rapat dengan kes positif COVID-19 iaitu kes ke-3662 (yang berkaitan dengan kluster hospital pakar Muar, Johor). Beliau telah dirawat di Hospital Enche' Besar Hajjah Khalsom, Johor pada 6 April 2020 dan disahkan meninggal dunia pada 23 April 2020 jam 12.36 tengah malam. Ini merupakan kematian ketiga di kalangan anggota kesihatan KKM.
- Kes kematian ke-95 (kes ke-4129) merupakan lelaki warganegara Malaysia berumur 67 tahun dan mempunyai latar belakang penyakit kencing manis, darah tinggi, penyakit jantung dan penyakit buah pinggang. Beliau mempunyai sejarah kontak rapat dengan kes positif COVID-19 iaitu kes ke-1575 (yang berkaitan dengan kluster PUI Bali). Beliau telah dirawat di Hospital Tengku Ampuan Afzan, Pahang pada 8 April 2020 dan disahkan meninggal dunia pada 22 April 2020 jam 11.48 malam.

KKM mengucapkan takziah kepada ahli keluarga mereka.

# STATUS TERKINI KES COVID-19 DI KALANGAN ANGGOTA KKM

Pihak KKM ingin memaklumkan bahawa sehingga 23 April 2020, dilaporkan terdapat seramai **325** anggota KKM yang dikesan positif COVID-19 (iaitu 5.8 peratus daripada jumlah kumulatif kes positif COVID-19 di Malaysia). Daripada jumlah keseluruhan kes positif COVID-19 di kalangan anggota KKM, sebanyak:

- 185 kes telah pulih sepenuhnya dan didiscaj
- 137 kes sedang dirawat di hospital
- 3 kes kematian

### Kes-kes ini terdiri daripada:

- 77 orang Pegawai Perubatan;
- 66 orang jururawat;
- · 34 orang Pegawai Perubatan Siswazah;
- · 23 orang Pakar Perubatan;
- 21 orang Penolong Pegawai Perubatan;
- 104 lain-lain skim perkhidmatan.

Berdasarkan siasatan, punca jangkitan bagi kesemua anggota KKM ini BUKAN disebabkan oleh pengendalian kes yang telah disahkan positif COVID-19 di fasiliti Kesihatan KKM. Didapati, 70 peratus kes adalah berpunca daripada aktiviti persendirian misalnya menghadiri majlis keraian, ke luar negara dan sebagainya.

### NASIHAT KESIHATAN COVID-19 BAGI ANGGOTA KESIHATAN

KKM ingin menyeru supaya semua anggota kesihatan dan barisan hadapan (*frontliners*) **SENTIASA** mengamalkan langkah-langkah pencegahan seperti berikut:

- Memastikan tangan sentiasa bersih
- Mengelak berada di kawasan yang sesak (crowded space) dan kawasan yang tertutup (confined space) secara beramairamai pada masa yang sama, seperti di ruang makan (pantry) di tempat kerja,
- Kekalkan jarak 1 meter ketika cakap bersemuka dengan orang lain (close conversation);
- Memastikan kawasan kerap disentuh adalah bebas daripada kuman, termasuk di kawasan yang kerap digunakan secara bersama oleh ramai petugas misalnya ruang makan di tempat kerja;

 Menggunakan alat pelindung diri mengikut keperluan terutamanya mengamalkan penggunaan alat penutup mulut dan hidung (face mask) semasa mengendalikan pesakit dan menggunakan PPE yang sesuai apabila melaksanakan sebarang prosedur klinikal.

KKM akan terus memantau perkembangan kejadian COVID-19 melalui segala maklumat yang diperolehi dan akan dimaklumkan kepada rakyat dari semasa ke semasa.

Sekian, terima kasih.

# DATUK DR. NOOR HISHAM ABDULLAH KETUA PENGARAH KESIHATAN MALAYSIA

23 April 2020 @ 5.00 petang

# BILANGAN KES COVID-19 MENGIKUT NEGERI DI MALAYSIA (SEHINGGA 23 APRIL 2020, JAM 12:00 TENGAH HARI)

	BILANGAN	BILANGAN
NEGERI	KES	KES
	BAHARU	KUMULATIF
PERLIS	0	18
KEDAH	0	95
PULAU PINANG	0	119
PERAK	0	252
SELANGOR	12	1,369
NEGERI SEMBILAN	20	431
MELAKA	0	189
JOHOR	3	651
PAHANG	1	286
TERENGGANU	1	110
KELANTAN	0	155
SABAH	1	309
SARAWAK	4	459
W.P. KUALA LUMPUR	29	1,066
W.P. PUTRAJAYA	0	78
W.P. LABUAN	0	16
JUMLAH KESELURUHAN	71	5,603